

ČHERA

Kana vareko dičhel opral andar o vordon tele, kana načhel po *PODO E GAZELA*, vo dičhel čhudine plastikače cirade, vordoneske kotora, barra thaj drze. Numa von naj gajda čhudine bi nisosko rindosko, von učharen e čherende krovne konstrukcije ande save trajin karing 800 manuša. E čhera si čerdine improvizovano katar e materijalja, save si e manušen thaj svako čher ličil po aver, sa e čhera si len jekh leveli thaj andre si len jekh vaj duj sobe, kana vareko dičhel opral katar o podo, si les hačaripe kaj si sa e čhera sargodi phrala.

Numa si jekh fundoski diferencija: Ando purano kotor e carako si kolibe thaj ando maškar e carako, savo si majnevo, vazdine si barake.

KOLIBE

Vi paša godova kaj si desa phare te striktno phenel pe, so si so, šaj phenelas pe, kaj o eftato kotor e čherengo ande kaja cara si kolibe. Von si diferentne katar e barake, odolaci kaj ande lendi konstukcija si materijalurja, save si zurale thaj save si čidine katar varesave čhera, save sas perade.

E zidurja katar e kolibe si katar e cigle. Katar andrutni rig pe cigle čhul pe o malteri, avrjal ačhen e cigle nande. E kolibe si len ravno krovo vaj krovo, savo si les duj riga, učharo si blehosa, kaštenca vaj e creposa. Vi e kolibe thaj vi e barake si ande but džungali kondicija, numa katar aver rig, e kolibe si čirra majlačhe, odolaci kaj si len zurale materijalurja thaj na musaj sa pe harni vrama te pale lačharen pe, kaj sajek vareso phadol.

E čhera ande Gazela vazden korkorre kola, save ande lende trajin. Khonik či del čhera ande renta vaj bičinel len. Ande injavardeštone brša, kana avile e našle manuša, sas zurali građevinsko ekspanzija ande sasto Beogrado, sas phare te aračhen pe zurale materijalurja. Godova tradelas e manušen ande kaja cara, te pire čhera čeren katar e glina thaj katar o kaš. But droma ašundilo, kaj sasti cara avela haradi ≡ katar e foroski inspekcija, gajda te lenas pe kuč materijalurja či avelas hasna.

Evakuacija pe
aver than
→ r. 171

Eduard Va, o projekto već si okupirime, odolaci kaj si finansirime katar nesave institucije thaj jek lendar si e fondacija *Erste Bank*.

Maja Kozom vrama senas tumen ka e Rroma thaj so sas tumari eksperiansa? Sas tumen šansa te sičon lendi čhib, pe saji sama sas tumari komunikacija?

